

CAPUT XLIII.

DE PETRO.

Petrus Romanæ Ecclesiæ Subdiaconus, & Casinensis Monachus, parvulus & ipse in Casino susceptus, rogatu Petri Diaconi, ac Bibliothecarii, passionem Beati Marci verbis adornavit.

ANNOTATIO.

Petrus S. R. E. Subdiaconus Cardinalis appellatur ab Arnolde Wione lib. 2. cap. 9. Lign. vit. à quo autem Pontifice promotus, ignoratur, verum ab Arnolde perperam nuncupatur S. R. E. Subdiaconus Cardinalis, cum in tabulis Ecclesiasticis, Episcopi, Presbyteri, & Diaconi Cardinales in Ecclesia Romana tantummodo legantur. Vivebat anno Domini MCXX.

CAPUT XLIV.

DE RAYNALDO.

Raynaldus Casinensis Subdiaconus parvulus Beato Benedicto oblatus, vir valde eruditus, & verificandi scientia antiquis per omnia comparandus, scripsit ad Petrum Diaconum ac Bibliothecarium Sanctissimi Severi Casinatis Episcopi in laudem versus: Versus quoque de vita Beati Benedicti, ac Beati Mauri. Hymnos in laudem Sancti Confessoris Christi, atque Pontificis Severi.

ANNOTATIO.

Hymni excusi sunt in Breviariis Casinensibus anno MDLXVIII. & MDLXXII. Vide quæ de Raynaldo notarunt Arnolde libro 2. cap. 9. Lign. vitæ. Vossius de histor. Latin. lib. 3. cap. 7. pag. 713. & Camill. Peregrin. histor. Princip. Langobard. in serie Abbatum Casin. in Raynaldo.

Ex Supplemento Petri Diaconi de Viris Illustribus.

CAPUT XLV.

DE GELASIO.

Gelasius Sedis Apostolicæ Pontifex, parvulus in Casino sub Desiderio Abbate Beato Benedicto oblatus, & ab Alberico Philosopho edoctus. Scripsit in eodem Cænobio positus passionem Sancti Erasmi, Sanctæque Anatoliæ: passionem quoque S. Cæsarii verbis adornavit. Factus dehinc S. R. E. Cancellarius

Arius descripsit Registrum Paschalis Papæ II. Demum verò in Apostolica Sede Pontifex factus, Henricum Imperatorem propter investituram Ecclesiarum excommunicavit, atque pro ordinandis Ecclesiasticis negotiis Galliam ingressus, apud Cluniacense Cænobium obiit.

ANNOTATIO.

Anrea Joannes Cajetanus, natione Campanus, Crescentii filius, nobili genere ortus, ex S. R. E. Subdiacono, & præsignatore Urbani II. Diaconus Cardinalis Sanctæ Mariæ in Cosmedin, & S. R. E. Cancellarius, ac Biblioth. Paschali Papæ II. gratissimus extitit, cuius senectutis baculus vocabatur; demum Pontifex sub Gelasio II. nomine creatur ann. 1118. die 22. Januar. iustitiæ pater acclamatus. Post annum, & dies aliquot Pontificatus, agens Maticone, in plevresim incidit, iussitque se lectica ferri in Cluniacense Cænobium, ubi mortem oppetiit 4. Kalend. Febr. anno 1119. meritis inclutus, ac sanctitate insignis: strato humi corpore cinere ac cilicio cooperto, postea sepulto in monumento marmoreo opere Tusco, & lapide candido, cui Petrus Pictaviensis cognomento Venerabilis Abbas Cluniacensis, ac coætaneus nostri Gelasii sequens epitaphium posuit:

*Vir gravis & sapiens, actu, verboque Joannes,
Cum prius ex Monacho, pro multa strenuitate
Archilevita foret, & Cancellarius Urbis,
Præsule Paschali meritis ad sidera raptus,
Promeruit tandem sacram conscendere sedem,
Dignus post primum Gelasius esse secundus.
Sed, quia Rege fuit non præcipiente levatus,
Horrendum fremuit Princeps: Et filia dubis,
More suo, profugum suscepit Gallia Patrem,
Si licuisset ei (pro certo crede) sub ipso
Virtus, & pietas, & honestas cresceret omnis,
Et pax Ecclesia toto floreret in Orbe.*

D Nam rapuit mors atra virum, cum Pontificatus
Vix ageret primum Pastor Venerabilis annum;
Bina dies jam restabat, cum Cluniacensi
Dormiit in proprio Romani Juris Asylo.
Hic igitur positus dilectos inter alumnos,
Cum Patribus sanctis requiescit, & optat ut orbis
Conditor, & Judex veniat quandoque potenter,
Et cineres lapsos in pristina membra reformet.
Felix inde nimis semper Cluniace manebis,
Quod Pater Orbis Apostolicus summusq; Sacerdos
Ecclesiæ, matrisque tue specialis, apud te
Transit ad superos, in te requiescit humatus.
Nec minus hic etiam felicem credimus illum,
Cui dedit ipse pius magno pro munere Christus
Ut Monachi Monachum Patrem quoque pignora
cara
Fugiter aspicerent lacrymisque rigando sepulchrum,
Sacris in precibus specialem semper haberent.

De laudibus Gelasii hæc notavit Card. Baronius anno 1119. *Post Martyres, qui fuso sanguine martyrium consummarunt, haud facile inter Romanos Pontifices aliquem quis invenit, qui breviori vita tempore majora sit passus: ob idque præclariori corona donandus, atque celebrioribus fuerit præconiis celebrandus. Gelasium Sanctum Joannettus nuncupat, virum San-*